

in partibus Cis- et ultra-Danubianis ad hanc Civitatem Posenien. indicendorum; ac etiam in Regno Slavoniae, in Civitate Montis Graecensis Zagrabiensi peragendorum; renovatur Art. 51. Anni 1625.

FERDINANDI II. IMPER & REGIS DECRETUM IV. ANNI 1635. ARTIC.
POST CORON.

*Dicae et Contributionis in duos Annos impositae, exactionis, ac erogationis
modus praescribitur et limitatur.*

Articulus 1.

5. Ordinatam item est, ut omnes et singuli Regnicolarum, quaesturam exercentes, quicumque hactenus et a quibuscunque rebus et mercibus ad solutionem Tricesimarum obligati fuerunt, cujuscunque tandem Status, dignitatis et nationis illi sint, etiam Cumani et Philistaei; ultra ordinariam Tricesimam, in usum et necessitatem veteris Militis Confinarii, Dimidietatem ordinariae Tricesimae, in omnibus Regni partibus, nec non Slavonia et Croatia pendant: Ejusmodique dimidiatam pensionem Tricesimalem, Tricesimatores sub Juramento ipsorum superinde deponendo, ad Cameram Ungaricam administrare sint obligati (exceptis tamen omnibus praemissis contributionibus Regnorum Slavoniae et Croatiae, quae non ad Cameram, sed in exolutionem Militum in Confiniis Colapianis Banalibus existentium, per Regnicolas erogentur) non in alium, quam praemissum finem, necessitates nempe et Salarium Veterani Militis Confinarii erogandum, sub praemisso onere reddendae rationis.

*Officiales et Ministri militiae, ad rationem suae Majestatis militem conscribentes
atque educentes; qualiter in delectu, conductioneque procedere debeant?*

Articulus 10.

§. 2. Ut nimirum Capitanei talium militum conscribendorum, patentes literas suae Majestatis, ipsis assignatas primum et ante omnia, Domino Regni Palatino; deinde Generalibus Regni Capitaneis; in Slavonia Domino Bano, ac tandem in illis Comitatibus, in quibus nempe delectum habere voluerint praesentare; atque tam in condensatione, quam educatione delecti militis, ab eorundem Comitatum directione, dependere debeant ac teneantur.

*Pro Octavalium Judiciorum continuanda celebratione, Praelati et Assessores
in locum defunctorum vel promotorum.*

Articulus 14.

Ut autem statis (prout sua Majestas clementer admonet) Octavalia Judicia temporibus, ad Mandata suae Majestatis cursum suum habere possint, tam in Ungaria quam Slavonia.